



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 30. Quid addendum sit circa obligationem orandi Matutinum & Laudes
ante celebrationem Missæ.

urn:nbn:de:hbz:466:1-42624

de tempore Missæ. Et pro Sacerdotibus Societatis J E S U habetur facultas in Comp. Privil. v. *Missæ* §. 3. itineris vel alterius legitimi impedimenti causâ legendi infra primam, quæ facultas communicatur omnibus Superioribus, & iis, quibus ipsi commiserint. Putantque plures cum *Aversa* §. *Admittunt.*, & *Sporer* n. 449. absque ullo privilegio etiam licere cuivis Sacerdoti per horam post meridiem celebrare die festo, si antè fuit impediens ratione itineris.

230.

Q. 30. *Quid addendum sit circa obligationem orandi Matutinum & Laudes ante celebrationem Missæ.* R. Hoc unicum, quòd quamvis multi graves Authores ex Antiquis, quorum octodecim recenset *Aversa* q. 11. §. 22. §. *Octavo*, dixerint esse mortale hoc negligere, tamen præter citatos à *Busenb.* n. 223. & 308. docent *Silv. Arag.* *Henric. Valent.* *Vasq.* *Bellarmin.* *Victor. Bonac.* *Can. Côn. Sanch. Less. Bass. Baldel. Castrop.* alique plurimi cum *Fagund.* præcepto 1. l. 3. c. 17. Illi t. 5. n. 73. non esse mortale, & quando adest causa rationabilis, licet non omnino gravis, v. g. major commoditas studii vel itineris, nequidem esse veniale. Imò *Sot. Suar. Tamb.* & alii apud *Gob.* t. 3. n. 667. dicunt per se loquendo, nullum esse peccatum, quia nullibi invenitur præceptum, nec videtur esse ulla specialis connexio aut dependentia Missæ ab illis precibus: hinc etiam *Marchant* & *Quartus* p. 2. t. 1. d. 1. dicunt esse consilium & quandam congruentiam, ut fiat. Attamen probabilius est cum *Aversa* & aliis communiter esse veniale, nam in Rubrica §. 10. hoc numeratur inter defectus peccaminosos; & ratio præcipiendi potuit esse, ut celebraturus advertat, quas orationes & commemorationes
facere

facere debeat, an dicere debeat *Gloria vel Credo* &c. quæ omnia colliguntur ex recitatione Matutini & Laudum.

Objicies. In Missali præscribitur, ut Matutinum cum Laudibus præmittatur Missæ, *Pius V.* autem in suo Brevis ante Missale præcipit in virtute S. Obedientiæ Missam dici juxta ritum Missalis, ergo gravis est ad hoc obligatio, & n. conseq., nam non est obligatio sub peccato ad servanda singula, quæ in Rubricis habentur, cum certum sit multa esse tantum directiva: & quamvis sub peccato sit obligatio ad aliqua, ut tamen sit sub mortali, debet materia esse magni momenti & spectare ad substantiam vel reverentiam notabilem Sacrificio debitam, quale quid non est præmittere Matutinum & Laudes. Denique ex vi præcepti *Pii V.* tantum est obligatio gravis ad generaliter utendum eo ritu & non inducendum alium.

Q. 31. Quid addendum sit circa Missam tribus 231.
ultimis diebus Quadragesimæ. R. §. 1. Est sententia satis communis, quod die Jovis S. liceat omni Sacerdoti privatim celebrare, saltem ante inceptam Missam solennem, ita enim docent *Nav. Ang. Suar. Vasq. Lugo, Diana, Quartus, Gob. t. 3. n. 219. Aversa q. 11. s. 15.* & alii passim.

§. 2. Habens plures Parochias debet in Cœ- 232.
na Domini Missam habere & erigere sepulchrum in sola principali, si tamen per errorem erexerit in utraque, *Pasq. q. 385.* dicit debere die Veneris habere officium in sola principali, & in altera hostiam reponere in sacrario. Quod si utraque Parochia esset multum populosa & ab invicem distans, deberet uno anno in una, alio in alia Missam & officium peragere,

Tom. VI

I

Sylvius